



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七六一

漸西村人初集十三卷 袁昶撰

一

于湖小集六卷附金陵禠事詩一卷 袁昶撰

一三七

安般箴集十卷 袁昶撰

二六七

春闈雜詠一卷附錄一卷 袁昶撰

四〇一

袁忠節公遺詩三卷（水明樓集一卷朝隱卮衍二卷） 袁昶撰

四一一

于湖文錄九卷 袁昶撰

四三九

龍宛居士集六卷 王耕心撰

六四三

漸西邨人初集

敘

句不入律故多支離其詞意不求工無傷連狝之製腐木
涇鼓鼠肝蟲臂既之精思第強操筆姑溪集隘端叔未必
發坡公之禪落木庵空徐波或許挂蒙交之詠故知不煩
繩削惟數藝州後詩風致超然雅重渭南一老涪疇有真
解晦翁非妄歎走既未窺丹訣要亦虛費墨工雖多奚尙
自卜頗審閒縵漆園吏之厲言次及抱朴子之自敘蓋謂
沈洋適志惟取窮年身非汝有第爲委規縱出厄言祇同
朽質况乃大塊稟我以尋常之短羽造物假我以至驚之
蹇足那復慕冲天之舉追飛兔之軌晚悔少作多不稱意

敘

澁舍
公堂

天才分定未必加增直所覽差廣稍能別擇妍媸耳每省
斯言輒思焚硯一酸之酒去古人九醞之醉亦以遠矣然
猶閉言送日炊爨可解庸音足曲蹇淺自娛警諸春者相
歌和秋蟲之吟砌牧童晚籟答疏鐘之度湖無意飯牛之
韻甯辨害馬之指哈作剝啄門籍米鹽日記觀可耳魏疎
處士乏籠紗之句犁眉老人署覆瓿之編雌黃雜下聽客
所爲殺青寫定非僕能預道遙於陸沈之嚼食息於衡氣
之機糊孫入布袋笑這回定送頭皮蚊子上鍊牛於本分
全沒交涉聊書里語以當引嚙光緒庚寅長夏六日雨中
芳郭鈍窵湯題卷端

集中厲言或時有之妄語則力戒茲除未敢出也但恨多謬誤君當恕醉人後有覽者無以為異甲午冬又識

敘

二

遊舍蓋公堂

漸西村人初集

詩一

詠蚶

新步

曉發

客游憶山中

陌上

春行湖隄上

贈周葆昌

聖音寺 行宮前銅鹿行

目錄

三

遊舍蓋公堂

上冢作詩呈諸弟兄并示弟姪

王大令 錫桐 招同溪上泛舟

酒後書桐君祠西壁

登吳山

輓沈縣丞 瑜

上布政使湘鄉楊公

送同舍生黃元同 以周 歸定海時省試報罷

正月十六日遊虎邱

海上贈凌霞

奇懷莫丈 友芝

黃浦江與友人別

北游詩五章

贈朱亮生宋

與同年譚仲修劉子彝真酒天甯寺

夜飲

大沽口

火輪船行

大沽口南北岸礮臺行

贈龔生記異

附錄一卷

目錄

四

避舍蓋
公堂

溪上

七里瀨

東陽

西施曲

茅坪

留題胡氏樂志園

新會寺

荒村

會稽

山寺

上烏石灘

山水彙漲上郡守丁頤伯侍御壽昌

壽昌縣

新城港口弔袁離谷秀才

感腐雜題

苦熱行

西湖雜詩

游靈隱次日作詩記之

飛來峯一鏡天

目錄

五

避舍蓋
公堂

漸西村人初集

詩一

詠蚶



蒼味十月枯晨爨然越竹箴賊蟹已殘
筍酒初熟食單謀杼人染指警介族有蟲
謚稱蝸適口味抗鮑貢弛明州

詩孔幾形謫服翼禿說文云老服翼所化螺房擁寶鬚盒像羅金粟

離離瓦鬪榜激激瓊壁肉閉唇雷怒號剝殼雨新沐金沙

堆鱗駮玉柱藏瑟縮錫之紫暉階化同黃雀速刊以蘊盈

扶調以酒一斛魁陸雅登諸專車箋亦夙海月拾奚殊石

華采匪獨蟻密排十稜蚌甲減半屋無嫌犀筋鬢瞥見銅

詩一

一

避舍蓋公堂

杵簇蜺羹卻少顏蚶醢甯見錄紋斜外離奇理正中臄膈

橙香佐三嗅螯巨賤滿掬鑿髓繡圍瀾剖腔霜列鏤何煩

密罟施何假嚴戈逐輕紅荔凝脂編貝珠吐目誣之養生

家或云補心劬黃生姘女芽涼沁彭尸伏函種何田田春

盤常漉漉宜隨蛤梨澆未許鷓喙啄露蠟難比倫寒豔亦

可惡南食例成詩惠文誰肯服北人不解煮勸學恐誤讀

但救辦椒馨漫嘲無參翹君看詠蚶篇強均恣往復

此丙寅冬湖上精舍落成開課少宰秦興吳公所命

題也限擬孟韓連句詩成殊索激賞今公墓艸已宿

矣追錄存之不覺茫然同治十一年長夏客竹西記

新步丁卯

洞霧溼如雨山桃紅見花別來曾釣石漲出一弓沙

曉發

漠漠一江雲風吹如壁絮漸聞篙石喧稍辨青林曙推蓬

迥望白雲飛須臾復度前山去

客游憶山中

君在東臺朝日暎妾住西臺時已昏君家開門蟻獻果妾

家插棘憎王孫

安樂塔前青徧楊西溪中有雙鴛央鶻風弱蔓栖不定飛

上平頭奴子箱

詩一

二

避舍蓋公堂

瓜蔓水生鱗魚來紫薑綠笋佐新醅武林鄉味不易致喚

取江船幾日迴

陌上

陌上雉朝雊城南烏夜啼併入朱絲裏消息斷金閨

春行湖隄上

春行湖隄上隄上積芳草宛轉雙翠虹卻向孤山抱

濯濯前夜雨絲絲今日風垂楊弄薄霧著衣何濛濛

贈周葆昌

周生意氣如劇孟落拓狂歌不知病途窮閱盡世閒人髮

禿慚看閨裏鏡馬座來從潁水陰知交日散千黃金綠情

筆札頗橫逸結客屠簫相與尋危城羽書急飛矢土面如
灰鼓聲死滿營都統賜冠帶趣劾哭秦書一紙君本名家
子挽弓仍習騎一朝青犢千羣至圍城久飢城不支如何
熊僚失微介翻令蔡女賤流離乏熊僚之微介兮慮我脫
生之癡夷見漢崔篆賦
身歸來足穿屨摧殘那復支門戶長劍空持刈旅葵海圖
散放汗寒具三刀益州無復夢一箭聊城嗟已暮徒言大
澤牧牛羊未有宿糧謀雁鴛少日豪華轉眼過青絲陌上
鞚明駝今成戚里無依倚歸徒壁立市人訶偶然載酒來
相問爲作城西俠少歌

聖音寺 行宮前銅鹿行

詩一

三

避舍蓋
公堂

古稀天子六省方帳殿金屏照水黃當年故物獨銅鹿口
銜芝菌望幸長與二仙禽列爲四舊存其一今亡矣玉獅
盜去田彭耶承露金仙爲墮淚眼見陽和入八春嘉慶己
未宮
中時憲書猶稱乾隆六十四
年推內廷臣工乃預放賜鑄始乾隆金幾斤更溯
景陵遺老盡上方龍象空煙雲推牙落角苔花綠亂領妖
要應怒觸時來被錦孤山陽亂定瀾泥湖水曲枯枝猶訝
長生牌野鼠啼向荒壇荜名藍一炬守吏去賸有殘僧拾
墮柴文瀾閣圮梁空在書付秦灰誰續採
睿思親解塵角譎文物當年盛淵海宮前野翁曝背言今
是乾隆幾葉孫

先皇不寶四白鹿再拜溪毛薦水溫

上冢作詩呈諸從兄並示弟姪

惻惻葉辭樹湛湛水回波亂離不忍溯蕪沒故園阿負土
成宰壘烏口亦以瘡戴山松栝長歲月一何多吞聲無家
別遑問礪中藹

又

我祖復初公鑿楹書萬軸庭誥如官衙恤鄰共年穀命培
庵先生贈王父詩云君
獨守世範庭內如官衙待人春風溫誠子秋實肅生晚未
逮事家故諸父熟書隨劫火然諸父亦陵谷相與寶遺箴
慶餘勤抱樸清德慎勿忘傲予備初服

詩一

四

避舍蓋
公堂

又

辛壬邑被兵癸甲家毀難陰陽寇莫大水火蹈幾爛痛絕
不欲言寒泉助淒惋先公有遺訓學禮乃質幹結交宜
老蒼經心肉弗貫金入而卮出斂約要勿畔深戒挾策豎
面背宵徹汗修學功在勤積愿冀一追灑淚崇山阿淵毛
今復舉

又

木有名交讓喬柯晚逾馨行飛與跪乳動物亦精靈綿綿
守庭誥亂定俱盡丁飢驅各有務勞生感漂萍相與敦墓
祭菲薄捧土劊詩人懷明發急難喻育令繼別雖有殊風

規期相俚

王大令錫桐 招同溪上泛舟

山水方滋酒舫同，勸耕環立有村童。洞寒服翼千年雨，溪散春鋤一棹風。垂釣坐忘青箬裏，意行遙指翠微通。受書我欲金門去，挂席相要茂宰同。

答王令君書附錄

昔瓠巴鼓瑟感伏櫪，而沈思秦青振謳過行雲。而直上微霜蕪而巨鐘應遠壑，嘯而隆墀盈。雖在末技庶無乖於正南，願奏卒章以上薄夫。正始乃者岸曠密坐靈襟博，摠道詢牧子虛。陳霄馬之箴，目笑朱泚第。

詩一

五

避舍蓋公堂

抱屠龍之癖，春餘夏始。草木被潭，既追休謙復滋。詠思犯詩人胡顏之譏，有子勝斐然之意。蒼波九折，灘聲轉雷。危石千尋，山躡縹緲。釣壇霞起而西峙，桐君鸞驂而東驚。卧理不事榮觀，超然涿令行春之暇。郭生維舟之懷，尸而祝之。古猶今也，策牛車入縣門者。舍賤子其誰哉。拙藻十章，謹遺簡餘。慚隨悚并。詩十

揚處道送詩播州體久失之

酒後書桐君祠西壁

百丈危崖寺枕流，如覺出沒瞰千舟。路人未作蘇門嘯，猶有碧鸞栖上頭。

巧避松根，添曲徑環依塔影。作禪房，顏垣俄化成金碧。劫火今重見道場。

採藥仙翁去不還，猶留藥錄在人閒。夜分一道澄江月，瞥見洞門遲上關。

寺後萬竹淨暉，暉城郭人民嗟。已非惟有鞋紅嬌阿醋，一株斜出石欄圍。亂後存安石欄一株猶承平時物

登吳山

江湖左右樂無有，坐約浮嵐浴翠來。高倚晴空一柱觀，遠餐雲氣八風臺。靈胥不盡驚濤恨，邁冠俄消猛炭灰。欲訪竹皮冠道士，丹成隻履印蒼苔。

詩一

六

避舍蓋公堂

輓沈縣丞瑜

泚縱技雖織器，或投時利嗟。君抱雋才未得一命試，卑駟降倨髡。應閒事外致方今，款重譚議欲張五。餌燭武精未亡，政堪供策使。有口若懸河，無階可投擊。游好忽經年，甚契閒同戲。蟲臂俄看化，石火真若寄。翩翩記室牘，戢戢猶滿笥。朽孰千金買，貧無一椽瓦。作詩告其鄰，庶垂脫駘義。

上布政使湘鄉楊公

沖翻儀赤霄，衝雲洒餘絢。快攜巨隼來，鷹欲制河徧。昔佐湘陰節，練衣穿未綻。批答軍中書，朗若巖下電。龍關夷鄭氛，鴉飛靖宋變。野靜消烽燭，川寒明組練。稍散耕收苦，裁

馬絹穀賤疏柳貫魚械械林巢燕大州初百戶步障陰
芳甸下縣始十丁桑麻繡墳衍田翁昨見招今年炊玉簪
豚稻黃雞肥奉嬰白酒澗縣令罷追呼心知台司善盍來
醉瓦盆起舞輕欲旋杜甫美嚴公泥飲雜謠諺公來吳越
穰歲計知眾忤媿非王喪才宣布三詩擅徒仰喬木陰鷄
子荒谷研

送同舍生黃元同 以周歸定海時省試報罷

鏗鏗楊子行精舍談經客 謂楊孝廉方正文杰君從海上來幾斂元

日席抱瑟不諧時對策常逾格里耳笑折楊腐芥昧虎魄
蹇荆匪人為返我純懿宅譬如空中花何能媚虛白清尊

詩一

七

避舍蓋公堂

幾日同驪歌澹將夕何以慰索居念來通簡尺

又

論事常病粗析理常病迂解故失之碎尊心又多誣護朽
黨枯竹人人自言媿誰為閩市平融貫無攀拘大哉四明
學汲綆資先傳深甯與東發康莊絕歧趨合經誼治事實
大華亦萎冥冥背時利橫橫解飢飣晞韞結琦後復得靜
者徒

又

弱植違庭趨章句久蕪廢糊糗今乍聞滯義前多悔說易
十翼尊不惑九師碎禮家平眾訟齊斧伐茅茂君如識時

秋效春可貸執經欲相追心源資一概從之寂寞濱晚
學發深慨

正月十六日游虎邱 戊辰

吳山多肉而少骨斯邱聊作層巒觀我來正逢早春節殘
雪在地凌兢寒道旁花枝偶一笑媿如姑射衣帶單山椒
何處動清磬道人晚課經卷殘何年胡僧演聖諦緇白千
眾留虛壇項楚淮張皆電滅陵谷幾變徒浩歎君看劒池
石壁上題名蛇蚓半已漫將毋上有兩何迹充隱曾此積
巾冠 梁何求及從弟允俱隱此山見處士傳樓觀盡入兵火劫瓊榻猶博落
衣剗小儒金椎倘發豕藪劒定出魚腸斑超然但愛情遠

詩一

八

避舍蓋公堂

句雲翁欲出松團團

海上贈凌霞

古井門前水汲多猶未渾跼蹐來照影薜蘿喜逢人獨肆
百錢卜林宗一角巾看君用幽意閱世陌頭塵

寄懷莫丈 友芝

鳴人下西徼於時老學林昨歲飭東城餉我無窮心去之
禹穴游再宿茅山陰手莫石室古足躡玉筇深糧盡疑楚
跼火迫效會吟 丁卯秋先生至杭州寓東城講舍九月渡江謁禹陵往來吳越問客
星不可尋進則恥荷祿退殊甘陸沈相係闕書局殘籍資
君緝 湘鄉公屬丈采祕閣有劫火羽陵無留蟬門攤真市

集得不異碎金君如波斯胡老眼撥翳露佳本往往致古
刻朝朝臨新得樂石朱鈐影山堂豪奪者頗欲籠讀終難
祕傳鈔方自今耆好良非俗風期夙所欽一卷邵亭詩萬
古悟溪音泠泠寫佳趣落落滄塵襟何以慰相思海山望
蕭穆

黃浦江與友人別

大江街落日千里怒潮生夕上樓船穩朝喧爆竹晴火林
明蜃市夷俗接羊城笑我無邊略支離賦遠征

北游詩五章

早無捧檄懼遠出常悽然昨登賈胡舶浪逐計吏復滄海

詩一 九 避舍蓋 公堂

日月白神泉車馬填

皇居氣色麗層城歌吹喧孫卿始適鄧樂生乍游燕仰慙
先民質俯乖末俗妍

辰星主外夷漠氣如層闕王公有天險尉候無私謁宅中
倚名山佳氣陵皇都增城環淶水平野入青蕪甘泉列夷

邸時夷館縱橫布列前法宮受計吏絕域致蒲桃炎洲殊

孔翠跛辨爾何物乃牧大山側此輩少為貴為戎恐蕃殖
不聞貴者歎但見賤者交崎士夫何言寂寞焉所求

金山東西林國語山曰阿林雲安嶺我之東鍊山三千區

繫中國之利毒天下有餘鹽鐵古有論冶官職常輸昨來

析津口官船敗沙淤估胡造大舶確若黃金塗彼挾有利
器豈我武庫無動警管商者拘督何其愚

亭林疏布士其氣雄萬夫當其十三陵杜鵑拜何劬每慕

文淵牧曠莽林野娛昏谷量牛羊世事百不如名恥登薦

蹟迹則淹神都晚息華陰機茲亦栖精廬遺迹城西寺濁

膠薦雙壺溪毛懷近躅冷冷何與宋慈仁寺顯 先生祠堂

南州春已闌北平春方始妍妍杏花繁吐秀殊可喜黃沙

白雪中對之光疑疑西山向我笑粲然有心理館宇非一

區烟嵐凝暮紫願結公超廬巖陰或成市

贈朱亮生 宋

詩一 十 避舍蓋 公堂

長安一雨洗車塵三條陌上滯行人風吹歌管家家玉花

灑紅樓樹樹春獨有儒宮散秩賤時充官 學教習久客誰能鬻不

變人言九事八為律張目君空爛巖電勿嫌世議坐相侵

且仗心兵持不戰我勞行役手時鞭子抱匡時淚如霰上

書試伏日華門起草會直明光殿

與同年譚仲修劉子彝真酒天甯寺

夜談戒春游燦爛燭花紅朝來理輕策浩蕩郊原蔥出郭

一牛鳴意冥塵市空詰曲入寺門稍循萬竹叢藏山忽蕭

曠勃率疏林中石床浩髮合微徑蠶房通塔光媚洩雲時

滑日脚紅三月猶薄寒春氣來蓬蓬偶聞定中磬醉臥松

下風日入未須返短歌意何窮

夜飲

暫破塵中笑脚分席上甘歌喉催醉訪舞袖屬何裁瞥過
春如夢應須酒是耽蕭蕭簾外雨香霧坐花南時春明
報罷

大沽口

天闊排雲未可通歸來垂翅逐冥鴻莫嫌荒戍無東道喜
送輕舟有北風

神堯一旅宅神州東楚蟬揚水流日暮飢鳥栖戰壘行
人迴首望礮樓是日觀南
北岸砲臺

火輪船行

詩一

士

避舍蓋
公堂

夸之操舟虵行若神剗海西木穉突通津伐材息力冶金
大秦堅取多節匠惟輸人廣厥俗舒器師畢陳毒龍鼓鞀
腥風運斤祇精夜叫巧麻朝呻激謫虹洞邪許雷震齋十
梓虞械百公輪一旦成之身橫海嶼馬街右負天吳前驅
銳首大腹樓觀莫踰尾如修鯨漆練金塗樓觀伊何迴梯
螺旋洞窗沈沈入地出天突者如阜呀者如淵蜂肆蟻宮
吁可怪焉蟻宮伊何火齊空青斷孔開樞門杜飛鳴增臺
偃月刻漏奔屋俛眎海水瀾汗窈冥指南之鍼記里之鼓
管分甲癸矩程立卧大突不黔枝撐火柱旁綴采恩炎烟
施吐下列機春風輪激怒銜銜汽弩金錢相慶翠之若抽

首下尻高崑崙百輩其捷如涿水邊火射兔落駮號雙管
燧石撿汗成圍內火出生機殺機天池晝涸枉矢宵飛
鱗鱗介慄海氣森霏羊腓未熟五百由廷朝拂陽谷夕杙
虞泉左言侮食高嚼蠻瓊恃其利器自以無前書生覬敵
長技三五師葉為舟餘巧求野昔敗藥疑今收三戶彼墻
有隼盍其禦侮

大沽口南北岸砲臺行

臺築於咸豐八年科爾沁僧忠親王成之北鉗沽東
枕海形勢殊壯軒城突門孔道突帳蘭石虎落方色
與兵樓櫓之屬各有法度形勢屹然國之東門也

詩一

士

避舍蓋
公堂

咸豐八年秋月蝕析木辰海水忽飛溢麟閣困採薪
聖謨念安邊簡任在柿埒賢王如策凌抗材諾顏部詔移
火器千精手皆索倫亦有綠旗制甲仗如蠶屯直沽道幾
何相距如犄角絡繹陣雲生蕭條血雨燦旂為發石車說
始賈侍中佛夸始作備後膛鑄用銅築臺堅且利線以大
裨海敵鎮思猛士犬羊誓殖醜金城此百仞穿穴如鬼工
官錢少府竭木石西山空兩臺如列牙對峙沽南北赫赫
振天闕森森迴地軸北如箕哆口太陰負土囊南如伏於
菟呀豁洞幽陽上建大將蠶下排鏡瑛蔡豈知不拔勢響
若波潰隄夷氣如穹閭又如大礮船城推九距械陸圻三

重淵朝聞築長城夕閉墮長城卷甲委之去內訌如沸羹
聖皇今御極陽惠貫三五仁誼為鈞強明刑及幽羽王功
在冊府軍政修成規再拜墜形志一為
廟算賁

贈龔生記異

跌蕩名家子胡為窮海邊予喻塞上交近識龔生賢寶鼎
出層水初陽生曙天欲招朱鷺下含意豈無弦

詩一

圭

避舍蓋
公室

浙西村人初集

附錄一卷

溪上以下改存少作

綠沙白石時見底水苻帶映溪毛肥十村九瀨水激激以
水沃確無停機郭文石室在何許自文之去虎亦飢徵君
釣壇去瀨近下有盤石不可磯紫溪赤瀨鄺元說今之兩
臺荒是非据水經注嚴陵釣壇當在桐廬至於潛十六鄉
中之第二鄉顧野王輿地記始以為在東陽江
下二說天目蒼蒼垂兩乳望之天半開森霏巖排峽束巧
迴沓中有一水流瀾瀾厓光一鏡天宇仄忽曠沙際迴情
暉湫龍戲就石上菴山鳥怯向潭心飛厓東有屋誰所營

附錄一

避舍蓋
公室

熱然非人沐方晞人生胡不早作計從之刷藥癩百痂

七里瀨

泊丹青楓林訪道丹嶂碣峽東一水怒雲縱兩厓缺崩圻
屢紆迴穹谷異涼熟花開太上春石戴堯年雪松霏仙壇
花泉竅乳穴咽道逢元真子授我真觀訣豈無千祿心恐
妨衛生拙山木有枯榮溪雲亦生滅還當泛宅去徑與人
寰別元真子張志和東陽人明經擢第待詔著作貶南海
此類張子往會稽吳
興必時經過上下矣

東陽咸豐八年秋侍
家君來游地名

東陽以曲勝山容靜而熈石淙壁分流松子落礫戶紆折

稍成邱蕭寥誰葺宇獨秀峯下趙氏溪多二寸魚瘦不供

膾縷嚴情憐佳辰游展今始果舉攜二三子散朗樵牧伍

虛深狀非一喧寂情各取探奇若有適捫壁聊可俯一酌

溪泉甘再酌沈疴愈倘卜此窮年即是開山祖

西施曲

溪橋楊柳百尺條落絮旋作浮萍飄萍隨水去無消息溪

女如花淚沾臆昨來寂寞今榮華曲讎長洲錦障遮歌舞

未終吳殿破濁泥芳草玉鉤斜何如養色含津氣椎髻溪

頭長浣紗

附考

附錄

二

避舍蓋公堂

墨子親士篇云西施之沈其美也唐人詩惆悵闔閭

門外水濁泥猶得葬西施此說差為得實杜司勳所

云一珂逐鴟夷者珂從車葬也荆公詩遙聽下阪珂

正用葬車意疑後人誤改作舸杜詩第謂殉君之意

追逐伍大夫盛以鴟夷葬之江魚之腹耳非指鴟夷

子皮也語兒鄉留頤三年之謬說出陸廣微吳地記前人己

有辨之者史記越世家附述范蠡始末略及其妻子

楚獄事無此野言自當引墨子書為證

茅坪

夜宿白雲源朝登白雲窳山下芋田已足蒙山中樵客多

生瘦元英居士不歸來谷汲林衣疎造請機春水際亦忘
機磻戶無人風自打

留題胡氏樂志園

危亭支碧丁仙竈隔紅塵檐竹春喧鵲溪花晚照人果園

誰氏好酒戶此中真不識仲長子何論入帝門

新會寺

寺有泉甚甘宋禮部侍郎方公慤刻記石上

避寇不十里山椒寺已昏秋生赤華舍日落長松根別派

非新學窮源待細論卻愁烽火迫寄食亦無村

荒村三首

十聚九空林春山唬恠禽曠無人舉汲日畏氣蕭森

附錄

三

避舍蓋公堂

饑虎窺籬人飢鳥啄食貪朝來兵氣至愁霧欲沈嵐

狂寇誰能破柯山頓楚師望應穿父老遲未睹官儀時左中丞

剡浙之師久次衢州

會稽時陷

危堞寒日倚岬嶽滿地烽煙旅客驚芒屨星餐尋禹穴南

冠雪涕望堯城若邪溪涸劍雙去射的山空蟻一鳴何限

無家成此別六千君子壘縱橫

山寺在晦村西庵

何處訪招提林表見積塔疎磬煙乍沈荒橋竹方合盡日

不逢人行歌山響答壇松暝無風簷栖馴有鴿僧支折足

鎔西澗淨可汲山中虵虎多居此今幾臘亦復有賓主煮
茶聲颯颯

上烏石灘

何年鑿此險水石兩相塵石似翻鷲落湍兼風怒號黃牛
春峽怯白馬秋濤豪長年饗神去行子上渾勞遙望墟煙
起還沾玉色膠

山水暴漲上郡守丁顛伯侍御

壽昌

龍山夜沈尖露墜潰壑無舟雲四合蒼水使者乘怒潮急
兩翻盆風颯颯江漲一夜三丈強白龜如山驕蹴踏大屋
騎危面似灰小航屨屐人畜雜須臾日出熱氣蒸病者重

附錄

四

避舍蓋
公堂

鵬採蠃蛤淮陰賢將工勒移縛鱷如羊三日期大呼篙工
集南市未遣漂沒波中兒柱後惠文詢疾苦傳檄江神莫
公侮

壽昌縣

坼岸疑無路迴溪忽有天荒墟出蒙密復激派回沿昨泛
孤槎入時逢百丈牽傾厓藤絡樹暗礪竹奔泉野市看縣
獮深林獨聽鷓鴣夜聲寒類豹朝氣白于煙展障雅又倚燒
畚虎落編居民今幾戶斗米直千錢倦客行復去此鄉誰
鼓賢翁洮隱何許枯木到今傳

新城港口弔袁離谷秀才

君詩有云積塔卧斜
陽時人稱爲佳句

積塔斜陽句天機妙更新吾宗傳早秀中歲厄飢貧未結
蕤蛇契空憑譚仲修子鼎
明經蔡秀才論煙濤倚漂泊巖壑寫風神
一髮鳥爭路十圍松絕壑羅橫才不儉章碣宅將墜卧柳
妨船腹垂蘿陟島澗權奇知使氣洲渚尚生鱗曉酒兩投
越乘泝余辟秦荒年珠繼米陷虞鬼輸薪祿相無三甲春
梓薦五辛靡蕪山下徧行迹未應陳

感膺雜題

以下丙寅年

增冰非一寒鏤石非一暑日月無停輪龍蛇生于野浮雲
西北馳瀉水東南下器車不生山祥金不躍冶至言闕撞
鐘俗論紛注瓦小人善抵熾君子常安雅咄彼日遊神工

附錄

五

避舍蓋
公堂

騎火馳馬示人杜德機客亦胡爲者
赭嶽有悴木驚湍無擔漚息將焉託鬢毛颯已秋黃鵠
不得食凡鳥競養羞古來礫落土拙爲一身謀

口以五味爽目以五色營市易鳥索聚積氣金銀空地亦
有盡藏杼柚困大束亂定俗益侈豪奢競雷同野容炫於
市孛養缺于宮久不問直指整俗砭頑聾勿笑齊髮子禿
裘瑯磎風勿陋宋墨翟揅時相爲庸

螳螂欲承蜩雀乃睨其旁王孫挾金彈不畏露溼裳虞人
諄先發逐利害則忘不庭三月久同殉兩情傷盈者遭鬼
敵虛者睎神蔚泊然遠聲利勿處錐刀場

知瑤圍管陽志騎行決渠漁者遮說之識微效其愚闇主
策不用勢成自罟罟人以君為餌君以人為魚餌弱而魚
強吞舟將何如危哉驂乘謀殺機不留餘忠言反獲罪曙
戒乃見疎

仲夏初入壽古之伐蛟期礮石氣熬燠疾雷破靡展元雲
上冲天草木毒流淅吟如蟬悶掌誰能辨其微今年蛟水
大萬室隨魚鬚山田耕少力野豕驟垣離公家發籽種吏
復乾沒之萬物人之盜猶可歐除為吏還為民盜民困無
窮期

附錄

六

避舍蓋公堂

燕山雲為紅吹劍氣為白蚩尤曳寒空浮浮邊精魄巨寇
誰驅除馮昏幾藏疾不知何鄉樂不知何土適荃化已為
茅枳變非復橋險夷無可揀骨肉長相失倚楹羨涼州秦
血乃沒御頻年人食人蕭條千里畢荒榛滿故墟旅葵誰
當擷痛定還思痛悲風何慄慄此退述庚申至癸亥四年
中亂離家破州殘之狀
乾幕全盡日倚風被鄒魯辨倒校文繁祕閣遺書聚大則
金石淺細猶蟲魚注賢哉蜀諸城不欲開四庫謂非當務
急蓋守高曾矩名相當國言意與金墮悟是時海禁開銜
轡柔窳窳地大獲牙生貞風馴害蠱文盛吏術衰朴散材
器慮忌諱民彌貧臣妾相媚嫵勿恥言農戰文儒競纂組
自來積陵夷虛談每廢務元龜在唐熙朝多德人快直言

旌樸忠良吏師往古孱夷不窺邊邊民得安處煌煌五體
碑震鷲泥不楮

苦熱行 上義庭兄

審烘六合火地濁赤龍崢嶸誰拔角又聞炎洲之草木化
作千億光明燭吾兄昨示苦熱行比年憂憤何當平象郡
削天火并聚虺毒潛吹起旁午奔逃將吏莫敢訶原之
災由一縷愁衝沙蠶墮長空安得將軍大黃弩射烏赤嘴
落湯池冷風來蘇子遺戶南村北村廢耕作荒田草宅淚
如雨元蜂若壺螫飢瘵相呼成羣東南飛鏢流金石血原
野至今故里鄰人稀昨者雨師傾天瓢一洗炎歊灑千里
頭風復愈眼無花赤販遺民偶不死凶年兵後復酸心相
保何時免毒霑兄獨儻然耕谷口白雲源裏飯牛深祗期
伏日茅柴酒沮溺同耕勸復耕

附錄

七

避舍蓋公堂

西湖雜詩 時居孤山下
詒經精舍

賸有清暉在湖山浩劫驚遺民緬汪胤曾此養殘生牽陸
舟未穩銜山月自明諸生精舍比突兀屋初成
已燬錢王廟空懷衣錦軍中原碣無水偏霸鬱興雲始倚
波濤阻終看朝請勤餘花陌上發游女尙羅裙
帆扇持障面船窗差隱身瓊花騷客薦菱葉浣娃蠶青鳥
來銜札紅巾去破塵盈盈一水際晚見遠山破此有
所屬

質休名畫在草長石幢深十地應真壯幾年山雨侵荒地
朝出霧壤閣暝歸禽偶見一螢度翻疑佛火深

北山多釣叟四壁掛蓑衣山氣壓茅屋水光搖翠微清芹

牙已白山壓葉初稀我是無田者江干漫說歸

准僧葛嶺下植龕上人自維揚至德仲修訪之又印前日

叩荆扉稍稍白露下鬢髮黃柳稀精梵三車問香餐一鉢

飢喜尋方外友予髮待明晞

飛雨捲湖至橫空白氣來湖心俄失閣石罅忽驚雷倚檻

裁炊許披襟實快哉雲收待夕霽更上初陽臺

宗淨諸天吳承平列剎深劫灰無住著隨分作登臨翻得

附錄

八

避舍蓋公堂

眞實相自存山水音眼空除翳障伐棘出遙岑

壞塔南山椒俗云神物憑無梯阻游展有樹蔓寒藤下愁

胡僧坐宵深見塔鐙異花西域至上覆乳巢鷹

日盪雲成水湖明艇接天興來成獨往佳處輒參禪社鼓

村村臘叢梅樹樹仙遙看茅一把葛嶺起孤煙

名山近城少喧處得佳觀洞有煙霞古泉無沙磔寒線隄

虹幾曲窄徑石千盤形勝餘杭麓題名壁屢屢

菱花秋已半愁絕采菱人蕩于江南去與花相見親人行

遊鷺羽花落覆魚鱗持贈江南客迴船一槍神

遊靈隱次日作詩記之

少軌名山游欲乘龍躡去昨游靈鷲嶺異狀難名數日行

閭浮嵐氣殷綠蘿上覆雲根屏洞中瘖虎伏不動洞外老

藜綠梯斑世上炎歎峽中冷寒碧一勺牙生鋌峯峯石壁

面勢異大似伊闕雕屏顏梁穿唐鑿不暇詰鬼工神斧搜

天關辟支弟子已偉絕況有七佛難躋攀據諸說友誼安

像梁後唐前已有韜光苦縣篇第幾河上公注老以縹緲

之不自元僧始韜光苦縣篇第幾河上公注老以縹緲

溼翠浮雲間餘杭之勝天目最靈脈奔渟此山會絕頂傳

聞宵見日海門遙望濤如帶匆匆興盡未果游徑壞奔泉

鳴石巖山僧劫後梵筵空惟有危樓卧古鐘事在何人留

鏤壁時清無鉢可降龍逃空早晚重來此待取秋山霜葉

附錄

九

避舍蓋公堂

飛來峯一綫天

南戒何緣覓祖峯山嶽潛移天不動毗沙夜半斷龍耳擲

下西方一壘空我行逢秋日林赤霜垂寶胡僧何年卜居

此天扉微開一縷出削崖仰刮青頗黎佛光瞥見還易失

奇石粗沙足下生巖腹疑有山靈撐山囚鍊鑠木石精風

出空穴時一鳴坤乾雷銀刻復成千年崩石藤爲繩赤箭

青芝不可名媛呼游人谷自牌腰松往往蓋一畝老父夜

腔青羊行日欲落兮山辨合天光佛髻交冥冥